

- dô blihte er harte schiere ze berge gegen der zinne,
ob er inder sebe dar inne stên sins herzen triutinne.
14. Er gedâhte in sinem muote: „ach wie ist mir geschehen?
ob min frouwe Kûdrûn ditze hât gesehen,
gelebe wir daz immer deich sie sol umbevâhen,
siu tuot mir itewîze, sô ich wil miner triutinne nâhen.
15. Daz mich der altgrise hie nider hât geslagen,
des scham ich mich vil sêre.“ sin zeichen hiez er tragen
hin nâch Ludewige mit den sinen mannen.
sie drungen nâch den vînden; sine wolden in niht lâzen dannen.
16. Der Kûdrûnen friedel under helme über rant
erreichte Ludewigen mit ellenhafter hant.
er wundet' in sô sêre, daz er niht mohte striten.
dâ von muoste Ludewic des grimmen tôdes dâ vor im erbiten.
17. Er sluog im an der stunde einen vesten swanc,
daz des kûniges houbet von der ahsel spranc.
er het im wol vergolden, daz er was gevallen.
der kûnic was erstorben; des muosten schoeniu ougen überwallen.
18. Die Ludewiges helde daz zeichen wolden tragen
wider zuo der selde, als er wart erslagen.
dô wâren sie der porten komen gar ze verre,
dô nam man in daz zeichen. ir muoste vil beliben bi ir herren.
19. Sie heten vil der degene hinder in verlân.
wær' daz lant ir eigen, sin' kunden'z hân getân
bezzer in dem strite. sie wolden zuo der selde.
Wate sie sümte stârke unde mit im tûsent siner helde.
20. Er was unz an die porten mit grôzzer kraft gegân,
dâ Hartmuot hin wolde mit den sinen man.
sie kunden'z niht verenden; in zoget' es harte kleine.
sie sâhen abe der mûre werfên mit manigem lassteine.
21. Uf Waten und sine helde sô grimme man dâ schôz,
sam von dem lufte nidere gienge ein schûr grôz.
wer lebete oder sturbe, daz ahte Waten ringe.
wie er den sic erwurbe, dar nôch stuont im aller sin gedinge.
22. „Nu zuo, ir mæren helde,“ sprach dô Hartmuot.
„gêt nâher zuo der selde. ez si ûbel oder guot,
ich muoz ze Waten dem alden. swie mir dâ gelinge,
ich wil doch versnochen, ob ich in hôher von der porten bringe.“
23. Wate vil zornelichen lief Hartmuoten an,
dô wolde im niht entwîchen der wætliche man.
der melm gèn der sunnen truobte harte sêre,
ir kraft was in zerunnen. Hartmuot und Wate wurben vaste umb' êre.
24. Er hôte lûte erschrien daz Ludewiges wip.
sin muoter Gêrlint klagete des edelen kûniges lip.
siu bôt vil grôze miete, daz man'z iht vertrûege;
daz man Kûdrûnen mit allem ir ingesinde sluege.
25. Dô lief ein ungetriuwer, dem was liep daz guot,
daz er beswârte sêre der schoenen frouwen muot,